


## Maid bargat, jos fáhkkestaga bohtá elrávdnjeboatkka?

**Muhtumin ruoktot sáhttá bohtit elrávdnjeboatkka. Elrávdnjeboatkka bistá dábálaččat dušše bottoža, iige dan dihte dárbbas fuolastuvvat. Muhtumin elrávdnjeboatkka sáhttá bistit guhkit áigge. Loga dán rávvagis, mii dáhpáhuvvá elrávdnjeboatkka áigge ja mo sáhtát ráhkkanit elrávdnjeboatkii.**

Elrávdnjeboatkka áigge elrávdnjerusttegat eai doaimma. Ovdamearkka dihte čuovggat, uvdna ja galmihanskáhppe eai doaimma. Čáhci ii boađe hánás dahje riššus. Hivssega ii oaččo geassit. Duolvačáhcebohccái ii oaččo luoitit čázi. Liggen ii doaimma. Telefon- ja neahttaoktavuođat boatkanit, jos elrávdnjeboatkka joatkašuvvá sullii guokte diimmu.

Ovdamearkka dihte stoarpmat, dulvvit ja muohta sáhttet dagahit elrávdnjeboatkaid. Maiddái tehnikkalaš vigít dahje gaskaboddosaš elrávdnjevátni sáhttet dagahit boatkaid.

Elrávdnjeboatka geahččaluvvo divvut jođánit, iige du dárbbas almmuhit das gosage. Jos leat fuolas, sáhtát jearrat ráđi ovdamearkka dihte iežat lagamuččas dahje oahpes ránnjás.



## Ráhkkán elrávdnjebotkii ovddalgihtii

Hárjehala ovddalgihtii,  
mo láhttet elrávdnjeboatkka áigge.  
Hága ruoktot ruovttuvuorkká dahje áššiid,  
main lea ávki elrávdnjeboatkka áigge.  
Dárkkis, ahte gávnnat áššiid,  
go elrávdnjeboatkka álgá.




Hága ruoktot ruovttuvuorkká dahje čuovvovaš áššiid:

- lubmalámpá ja gintaliid dahje čuovggaid,  
mat doibmet báhtteriin
- sullii 5 lihterra bohtalčázi juohkehažžii ruovttu ássái
- várreborramuša, man sáhtá borrat galmmasin
- liegga biktasiid, ullosuohkuid ja gokčasa
- várrerávdnjegáldu.

Jos geavahat elektrovnnalaš veahkkeneavvuid,  
jurddaš ovddalgihtii, mo láhttet elrávdnjeboatkka áigge.  
Birgetgo veháš áigge veahkkeneavvu haga dahje sáhtágo dan geavahit  
dahje láddet várrerávnnjiin.

Jurddaš, geas oáččot dárbbu mielde veahki.  
Soaba ovdamearkka dihte ránnjain dahje eará oahppásiin,  
mo láhttebeahhti, jos fáhkkestaga bohtá elrávdnjeboatkka.  
Jurddaš maid, mo sáhtát loaktit áiggi vuohkkasit elrávnnji haga.

Sáhtát lohkat ráhkkaneami birra lasi  
neahttačujuhusas [www.72tuntia.fi](http://www.72tuntia.fi).  
Siidu lea riikkagillii.



Ovdamearkkat ruovttuvuorkkás.

## Ná birget elrávdnjeboatkka áigge

Elrávdnjeboatkka bistá dábálaččat dušše bottoža. Sáhtát vuordit elrávdnjeboatkka nohkama ráfis, go muittát čuovvovaš rávvagiid.

- Jáddat elrávdnjerusttegiid, dego uvnna ja gáfesilona. Gidde čáhcehánaid.
- Jos ruovttus lea seavdnjat, geavat lubmalámpá ja čuovggaid, mat doibmet báhtteriiguin.
- Joga bohtalčázi ja eará juhkosiid, maid leat oastán gávppis.
- Bora borramuša, man don ii dárbbáš gohkket. Sáhtát borrat ovdamearkka dihte láibbi, goikerivnniid, nihtiid, šattuid ja heđemiid. Borramušat galmmihanskáhpes ja jiekņaskáhpes seilot, go it raba uvssaid dušši dihte.
- Gárvot lieggasit ja geavat gokčasiid, jos bohtigoahtá galmmas. Doala lásaid ja olgouvssaid gitta.

Jos leat fuolas dahje dárbbášat veahki, sáhtát geahččalit ringet lagamužžasat.

Jos telefodna ii doaimma, sáhtát jearrat ráđi ovdamearkka dihte oahpes ránnjás.


Elrávdnjeboatkka áigge oaččot virggálaš dieđu rádios, mii doaimbá báhtteriiguin.



Jáddat elrávdnjerusttegiid ja gidde čáhcehánaid.



Sáhtát ovdamearkka dihte juhkat bohtalčázi ja borrat vuodjaláibbiid.



Gárvot lieggasit ja doala lásaid gitta.

